



United Nations
Educational, Scientific and
Cultural Organization



Baetapele ba Lipolotiki:

TSEBA HAHOLOANYANE ka Thuto ea Litaba Tsa Kholo Ea Bacha le Litsebetso Tse Amohelang Tsa Bophelo bo Botle ba Thari Ho Bacha!

Bophelo bo botle bo ntlafetseng bakeng sa bacha!

Thuto holim'a litaba tsa kholo ea bacha ke moo bacha ba fuoang litaba tse amanang le kholo ea bona le litaba tsa bophelo bo botle ba thari ka mokhoa o amohelang sechabeng ho ipapisitsoe le lilemo tseo ba leng ho tsona. Tšehetsa thuto ena!

Thuto ena e bonahetse e eketsa tsebo ea bana litabeng tsa HIV, e thusa bana ho se kene liketsong tsa thobalano ba sa le lilemong tse tlase, e thusa bacha ho se kene thobalanong le balekane ba bangata hape e eketsa tsebo ea bona ka mekhoha ea ho itšireletsa khahlanong le ho tšoaetsoa ka mafu a likobo ho kenyeletsa le HIV le ho ba le bokhachane lilemong tse tlase.

Tšehetsa Thuto holim'a litaba tsa kholo ea bacha - Tšehetsa baetapele ba kamoso!

Hoban'eng ha Thuto holim'a litaba tsa kholo ea bacha le litšebeliso tsa bophelo tse amohelehang ho bacha e le li-ea thoteng li bapile?

Thuto ea litaba tsa kholo ea bacha e lokela hore e tlatsetsoe ka litšebeliso tsa bophelo bo botle ba thari tse fumanehang ntle ho tšitiso ea letho. Bacha le sechaba sa moo ba phelang teng, ba lutse ba le tsietsing ea hore ba ka fumana mafu a likobo kapa ba ima ba sa rera ha ba sena mokhoa oa ho fumana litšebeliso tse kang tsa likhohlopo (condoms), mekhoha ea ho thibela pelehi, ho phekoletsa mafu a likobo, boelets'i litabeng tsa bokhachane le tlhokomelo le litšebeliso tse ling tse amehang. Ke ka lebaka lena ho leng bohlokoa hore Thuto ea litaba tsa kholo ea bacha e tsamaisane le ho fumaneha ha litšebeliso tsa bophelo bo botle ba thari molemong oa bophelo bo botle ba bacha.

Litšebeliso tse Amohelehang tsa Bophelo Bo Botle Ba Thari ho Bacha ke tse joang?

Ke litšebeliso tse thehiloeng holim'a kutloisiso e pharaletseng ea se hlokoang ke bacha litšebeliso tsa bophelo bo botle ba thari.

Li kenyeletsa ntlha tse latelang:

- Tlhabollo holim'a litaba tsa bophelo bo botle ba thari.
- Tlhabollo holim'a litaba tsa likamano tsa lerato.
- Tlhabollo holim'a litaba tsa tlhekefetso ka thobalano.
- Tlhabollo holim'a litaba tsa ho thibela pelehi le ho fana ka lisebelisoa tsa ho thibela pelehi.
- Thibelo ea mafu a likobo, le litšebeliso tsa tlhabollo le ho hlahlobela HIV.
- Litšebeliso tsa bokhachane bo bolokehileng pele le kamor'a pelehi.

Bophelo bo botle ba thari bacheng bo fumaneha ha bacha ena le tsebo le bokhoni ba ho etsa khetho e nang le boikarabello ha ba ea ba lebane le ho kena litabeng tsa thobalano - ho kenyeletsa le ho khetha ho se kene thobalanong ho hang.

“There is no trust more sacred than the one the world holds with children. There is no duty more important than ensuring that their rights are respected, that their welfare is protected, that their lives are free from fear and want and that they grow up in peace.”

– Kofi A. Annan, Former UN Secretary-General

Hoban'eng ha Baetapele ba Lipolotiki ba cha ba tšola litabeng tsa Thuto ea kholo ea bacha?

Ho bonahala ho ntse ho ena le bothata ba hore bacha ba fumane thuto e amanang le litaba tsa kholo ea bona ekasitana le litšebeletso tse amohelehang tsa bophelo bo botle ba thari. Leha Lekala la Thuto le Koetliso le la Bophelo a entse manane-thuto le meralo ea ho ruta bana ka litaba tse na le hore ba fumane litšebeletso tsa bophelo bo botle ba thari, ho bonahala sechaba metseng le metsaneng ka mafapha a sona ka ho fapana se ntse se sa ananele hore bacha ba hloka thuto ena 'moho le litšebeletso. Batho ba baholo ba ntse ba ena le tumelo ea hore ho fa bacha thuto ena e amanang le kholo ea bona le ho ba khothaletsa ho ea litšebeletsong tsa bophelo ke ho ba khothaletsa hore ba kene liketsong tsa thobalano ba sa le lilemong tse tlase. Athe lipatlisiso tsona li supa hore moo bana ba rutiloeng ka litaba tsa kholo ea bona ba lieha ho kena liketsong tsa thobalano hape ba qoba bokhachane bo sa reroang.

“Thuto ke leseli, ke lebone.”

- Maele a Sesotho

Kabelo ea ka ke efe ke le Moetapele?

“Morena ke Molisa oa Sechaba ho se isa botleng.”

- Maele a Sesotho

Tšehetsa ho phethahatsoa ha maano a amanang le litaba tsa bophelo bo botle ba bacha: Tseba litokomane tsa maano a naha holim'a litaba tsa bophelo bo botle ba bacha. Kenya tšusumetso hore maano a joalo a abeloe lichelete, 'me a kenngoe tšebetsong.

Tšehetsa ho fumaneha ha thuto ka tsa bophelo bo botle ba thari 'moho le litšebeletso tse amohelehang tsa bophelo bo botle ba thari ho bacha: Ha se bacha bohle ba eang litsing tsa bophelo hobane ba etsa thobalano. Ba bang b'a be ba hloka tlhahiso-leseling e itseng. Thuto e nepahetseng ho tsoa ho basebeletsi ba tsa bophelo ka kotloloho e ka etsa hore bacha ba be le bophelo bo botle.

Ke mosebetsi oa baetapele ho sireletsa batho bohle: Ke boikarabello ba hau u le moetapele ho etsa bo 'nete ba hore litokelo tsa bana le bacha li sireletsehile. U le moetapele u ka ba mosupa-tsela le ho susumetsa sechaba ho tšehetsa thuto ea litaba tsa kholo ea bacha likolong, metseng le metsaneng.

Nka kenya letsoho joang ke le Moetapele?

- **Tšehetsa ho hlahlojoa bocha ha maano.** U ka susumetsa hore lenane-thuto la Lekala la Thuto le Koetliso holim'a thuto ea kholo ea bana le phethahatsoe ho se tšitiso. U ka boela ua susumetsa hore moralo oa Lekala la Bophelo holim'a bophelo bo botle ba bacha o phethahatsoe hantle ka hore o abeloe lichelete le hore ho be le litlaleho holim'a meralo le manane-thuto ana.
- **Eba 'muelli:** Bua khahlanong le litloaelo tse kotsi tse kang likamano tsa lerato le thobalano pakeng tsa batho ba baholo le bana ba tlase lilemong, ho ima ha bana lilemong tse tlase, ho nyaloa le ho nyalisoa ha bana ba tlase lilemong, tliekefetso ka motabo hammoho le sekhobo le khethollo ho batho ba phelang le tšoaetso ea HIV kapa ba sa bonahaleng ba tšoana le ba bang ka mabaka a itseng.
- **Buelella hore bacha ba fumane litšebeliso tsa bophelo bo botle ba thari metseng le metsaneng.** Sebetsa le baetapele ba bang ba sechaba hore maemo ka hare ho metse le litšebeliso tsa bophelo bo botle ba thari a lumellane le hore bacha ba batle le ho fumana litšebeliso ho se tšabo kapa tšitiso ea letho.
- **Tšehetsa likolo le lihlopha tse fanang ka thuto ea kholo ea bacha le litšebeliso tse amohelang tsa bophelo bo botle ba thari:** Li hlahise ho sechaba e le mehlala e metle.

**Bana le Bacha ba nang le Tsebo:
Liqeto tse nepahetseng - U ka ba Mosupa-tsela**



SAfAIDS Regional Office, Zimbabwe:

17 Beveridge Road, Avondale, P.O. Box A509, Avondale, Harare, Zimbabwe.

Tel.: +263 4 336 193/4, Fax: +263 4 336 195

Website: www.safaid.net